

**OEW
VRIJHEID
OONZE
MISSIE**



'T VERKIEZINGSPROGRAMMA IN 'T KORT 2024

ChristenUnie

'T VERKIEZINGSPROGRAMMA IN 'T KORT 2024

De weend in de hōare. 't Lachen van een keend dat van de dunen ofrolt. Nen ijsko etten op nen moojn dag. Een book leazen en de tied vergetten. En ook: oe veilig veulen zonder te prakkezeren. Vrij wean um te geleuven en vrij um te bouwen an ne blievende toekomst. Dat is vrijheid en nog vōlle mear. Vrijheid dee'w hebt in Nederland en Europa.

De samenwoarking in Europa is 70 jaar terugge begunnen, eagenlijk op de puunheupe van twee weareldoorlogen. 'Dat nooit wier'. Zo begun 't met een vuurloper van de Europese Unie. De grondgedachte was vrea, recht en vrijheid. 't Fundameant warren christelijke normen en wearden as meanselijke waardigheid en een sociaal en rechtveardig beleid. En wat zee'w nou zeet in Europa en in Nederland? Duur de joaren hen is dat veraanderd in individualisme, maakbaarheid en de meeste rechen vuur de stoarksten. Doarumme zit oonze vrijheid in de klemme.

Godsdienstvrijheid geet neet zo mear vanzelf; an de greanzen van Europa he'w oorlog en onvrea; de macht van Big Tech vret an oonze vrijheid on line; haandel in leu; onduurzichtig of ontbrekkend asielsebeleid en onduidelijkheid oaver oarbeidsmigratie. Dat alns maakt nen hoop leu ontevreaden.

Der zeent vōlle zorgen, mear ondaanks dat zut de ChristenUnie toch kaans op een veilig, rechtveardig, duurzaam en vrij Europa woer christelijke wearden vuurop stoat. Op 6 juni goa'w hen stemmen, dit joar vuur 't eerste heelmoals op oonszelf.

**VUUR EEN VRIJ EUROPA,
WANT OEW VRIJHEID
IS OONZEN MISSIE.**

Wiej vecht vuur vrijheid duur:

- + Een veilig Europa duur samenwoarken
- + Beschoarmen van geleufsvrijheid
- + Toekomst vuur de leu en de deers
- + Een liek en rech Europa vuur alleman

Een Veilig Europa

'n Oorlog in Oekraïne bedreaigt de greanzen en de veiligheid in Europa. Doarumme pleite wij vuur blievende steun en genog geeld vuur defensie. Dan kö'w tehope met aandere laanden de veiligheid van Europa zeker stellen. Mear ook online wilt wij ne veilige omgeving. Vuur oonszelf en oonze keender. Doarumme mu'w de invloed van Big Tech terugge drukken met moatregeln um verslavend gedrag te vermeendern.

Tegelieke mu'w ook dudelijk wean watvuur laanden bij de Europese Unie köant en watvuur laanden juist neet. Belangriek is dat laanden democratisch zeent en de rechtsstaat respecteert. Dat wil zeggen: ze mutten zich inzetten vuur vrije, democratische verkiezingen en corruptie oetbannen. Ze mutten zich hoolden an het Europees Recht en zich inzetten vuur grondrechten as godsdienstvrijheid. Een land as Turkije past doar volgens oons neet bij.

'T VERKIEZINGSPROGRAMMA IN 'T KORT 2024

Veilig wean is ruimte kriegen um te geleuen wat'j geleuft. Anja Haga (liesttrekker vuur de Europese Verkiezingen) zeg het zo: "Christelijke oetgangspeunten in Europa komt in de verdrukking. Ik stoa vuur de vriejheid vuur leu um te geleuen wat ze weelt en hoe ze dat weelt. Het christelijke geluud is doarumme van leavensbelang in het Europese Parlemeant."

Een Duurzaam Europa

Viej veendt oonze vriejheid duur te streven noar ne duurzame economie van genog en hergebroek. Dat doo'w umda'w de opdracht hebt um good vuur de earde te zorgen en dat verbeendt ons met alle leu weareldwied: wa'w hier doot hef gevolgen vuur de hele weareld. De vraagstukke hooldt neet op bij de greanzen en doarumme mu'w ze ook op Europees niveau anpakken.

Hebbe wiej 't oaver 't oaverstappen noar duurzame energie, dan hoolde wiej 't an op 't zelf opwekken van energie. Zo worre wiej meender ofhaankelijk van aandere laanden en wordt energie goodkeuper.

'OPKOMMEN VUUR GELEUFSVRIJHEID, ZORGEN VUUR DE SCHEPPING EN MET MEKOAR WOARKEN AN EEN VEILIG EUROPA. DIT CHRISTELIJKE GELUUD IS ENNIG IN ZIEN SOORT EN ONMISBOAR VUUR EUROPA.'



Anja Haga
Liesttrekker ChristenUnie

Mear wiej veendt ook dat plastic verpakkingen verböaden mut worden. En hoe meender grondstoffen a'w neudig hebt, hoe meender a'w verleagen zit um laanden as China vuur productie en grondstoffen.

Doarumme mu'w de dinge dee'w al hebt vanniejs waardeern: doarumme zi-w steal vuur het recht op reparatie um hergebroek te nóg mear gangs te kriegen. Én wiej zeent greuts op oonze Europese boeren, tuinders en vissers en de producten waar ze vuur zorgt. Wiej veendt wal dat landbouw en visserieje anders mut. Wiej weelt greune prestaties belonen, mear aandacht vuur etten van plaanten en der vuur blieden zorgen dat families een fesoenlijk inkomen hebt oet het boerenbedrief.

Wiej reaist völle duur Europa en dat wille wiej zo duurzaam meugelijk doen. Met méár treinen en goodkeupere treinen. Aandere meugelijkheden zeuke wiej vuur korte vleegezaizen en goodn oavergang noar autojagen zonder oetstoot in 2035.

Een Rechtvaardig Europa

Vuur oons teelt elk leaven. Doarumme stoa'w vuur meanswaardig leaven: ongeboren, meender of eulder; maakt niks oet. Elke meanske is weardig en mu'w met ontzag behaandeln.

Vriejheid hooldt in: ginnen centimeter toegeven an modern slavenwoark en meansenhaandel. Laanden dee doar an doot, mu'w straffen.

'T VERKIEZINGSPROGRAMMA IN 'T KORT 2024

Europa hef een dudelijk asielbeleid neudig um vluchtelingen dee doar rech op hebt te helpen nen niejn toekomst op te bouwen. Mear ook heel gaauw besloeten vuur leu zonder recht um te blieden in Europa. Ne vlotte screening en een earlke verdeeln oaver Europa geeft dudelijkheid.

Ook mu'w dudelijke regels maken vuur oarbeidsmigratie: wiej weelt op dizze manere een Europees pact vuur oarbeidsmigratie met ofspraken oaver antallen en tieden vuur de woarktied. Wiej veendt het belangriek da'w dat doot tehope met de laanden woer de leu vandan komt, zodat oarbeidsmigratie gin verkeerde gevolgen hef.

Good oaver noadeanken

Anja Haga: "Al dizze peunten mu'w good oaver noadeanken en schoarp kieken noar de vuuren noadelen. Nemt godsdienstvrijheid. An de ene kaante wi'j alleman de vrijheid geven um te geleuven, mear an de aandere kaant wi'j extremisme oetbannen. 't Klimaat wi'j zo gaauw meugelijk verbettern, mear 't mut wal te doon blieden vuur de bedrieven. Bij migratie mu'w elken asielzeuker meanselijk oonderdak geven, mear der ook vuur zorgen dat leu teruggegoat as ze gin recht hebt op nen status in Europa.

Ik zegge geane: joa en joa. Het is zekers neet aaltied of of. Want doar krie'j juist een hen-en-wierbeleid van én tegenstellingen. Ik heb lever ne degelijke wetgeving woe'j liek en recht doot met 'n eavenwichtig beleid. Allene op dee manere he'w allemoal oonze vrijheid."

Kiezen vuur vrijheid

Partijleider Mirjam Bikker kik met een good gevoel noar de verkiezingen: "Juust in dizzen tied wil de ChristenUnie voloet kiezen vuur vrijheid, vuur alle ruimte um te geleuven, vuur een veailig en duurzaam Europa. As ChristenUnie he'w nen helen moojen kaans um voloet op te kommen vuur vrijheid vanoet oonze oavertuging. De vrijheden woe'w in Nederlaand alle wille van hebt as christelijke meenderheid zeent 'n groot good, mear ze zit in de verdrukking. Met dit programma loa'w zeen hoe'w as christelijke politiek stoat vuur waarden met deepgaank en da'w op dizze manere 't verschil maakt."



Hoe'j met köant doon,
kiekt op christenunie.nl/europa
of scant de QR-code.

OP STEMMEN!

ChristenUnie